

# МОРТ ДА ЗАКОН

## ВЕСЬКОДЛУН

Куломдінсы О.И. Липин 1978 воын 18 арос тырём бёрын мунис велодчыны Ленинградо да специальносёт босётм бёрын кольччис овны да уджавны сэтчө. Но век жө кыскис гортас да 1993 воын семьяскөд локтис чужан сиктас.

- Ленинградын ме куті сетны ассым вир, кодлөн группасы зэв геждө, да корлісны весиг войнас. Ме пыр муні воча. Куломдінө локтөм бёрын водзө отсалі нёрпалысь йөзлы. Кыкысь вирөс босётисны бурдөдчанінын висысь дорын орччөн куйломөн. Кольём воын төдмалі, мый налы, кодъяс дон босёттөг сетісны вирнысө нелямынысь, сетоны «Россияса пыдди пуктана вир сетысь» ним.

«Россияса пыдди пуктана вир сетысь» ним сетөм О.И.Липинлы ковмис вичысьны матө во. И.В.Книгницкая дорө сійө шыөдчис 2012 вося январь 25 лунө, а удостоверениела да морөсө өшөдан пасла корисны сөмын декабр 25 лунө.

- Менө шензөдө чина йөзлөн веськодлулун, - водзө висыталіс О.И.Липин. - Ми асланым вир сетөмөн мездям куломысь уна йөзсө, сетам мөд олөм, но мян вөсна оз төждысьны, оз пыдди пуктыны, оз донъявны. Морөсө өшөдан «Россияса пыдди пуктана вир сетысь» пас сетан правилөс серти сійөс сетөм могысь приказ колө гижны документъяс вообсынь 45 лунысь оз сөрөнджык. Менам 651868 номера удостоверение серти приказ гижөмадсь 2012 вося июнь 15 лунө. Артмө, мый ме вылө документъяс мөдөдөмадсь сөрөн. Пөшти вожын локтөма и Москваынь морөсө өшөдан пас, кодөс сетісны, веськыда кө шуны, эз мортногсөн. Кыклаө кырымасөм бёрын сійөс вичмөдіс районса медшөр медсестра, а правилөс серти пас сетігөн колө висыставны вир сетөмлөн төдчанлун йылысь да кутшөм кокньодъяс вөссьоны мортлы. Пас сетоны уна йөз дырйи районөн веськодлысьяс.

«Россияса пыдди пуктана вир сетысь» паса йөзлы республикалөн бюджетысь сетоны сьом. Миян районын өні СССР-са өти да Россияса 31 пыдди пуктана вир сетысь. Но сьом сетөмөн ножмасыны.

Куломдінса ветеранъяслөн «Закон да правопорядок» клубө пырысьяскөд аддзысьліс Коми республикаын мортлысь правояс дорысь уполномоченной О.В.Севастьяновалөн мян районын петкөдчысь И.Т.Морохин, коді лоис сьон кольём вося ноябрьянь. Иван Тимофеевич төдмөдіс сійө могъясөн, кодъяс сулалөны сы водзын. Сійө пасыис, мый республикаса каръясын да



## ЙӨЗКӨД УДЖАЛӨ И.Т.МОРОХИН

районъясын 32 петкөдчысь. Миян районны сійө өтнас. Вөліны кө нөшта Помөсдін, Немдін да Керчомъя вожъясын, то эськө сяммисны вөчны унджык.

Көть и сідз тырмө общественной удж (сійө «Куломдін» овмөдчөминса депутат да «Миян Куломдін» газетса главной редактор), кор вөзйисны лоны петкөдчысьөн, мунис воча. Лөччыліс юркарө, сәні төдмасис уджөн, босөтис удостоверение. Общественной уджысь сьом оз мынтыны. Бур сійө, мый районса администрация торйөдіс сёрнитны йөзкөд жыр.

Мыйсюрө сяммис нин вөчны. Шыөдчылісны сы дорө Куломдінсы Гагарин улича вывса 6 «а» өтувъя керкаын олысьяс. Найө эляисны, мый лун и вой ветлөны дзик керка дорті машинаяс, мукөд техника да он вермы узьны. Люкавлісны весиг керка пельөс. Приборъяс петкөдлісны, мый олысьяс эляисны эз весьшөрө. Шыөдчылісны судө, и сійө тшөктис тупкыны туйсө, мый и вөчисны пыр жө.

Өні И.Т.Морохин разьө мөд «гөрөд». Куломдінса кывтыдпомын дасысь унджык керкалөн өти и сійө жө номер, мый вайө ыдж-

ыд майшөг быдөнылы.

Районса олысьяссянь воө уна элясьөм. Том йөзлөн абу удж, предпринимательяс сетоны удждон конвертын, оз лөсьөдны уджалан книжка, лөкөсь туйяс, вывті уна сьом колө вештыны шоныдысь да ваысь, важкөс оланінъяс, некытчө инавны градыв пуктасъяс, бурдөдчанінъяссь бырөдісны куйланінъяс, лөка могмөдөны лекарствоясөн да с.в.

И.Т.Морохин сідзжө вочавидзис куломъяс вылө.

Снимок вылын: висытасьө И.Т.Морохин.

## УДЖАЛІСНЫ БУРА

Российской Федерациясысь пытшкөсса делөяслөн районса юкөнысь ГИБДД-са начальниклысь могъяс олөмө пөртыс Владимир Григорьевич ЮХНО висыталө кольём воын вөчөм удж йылысь.

Кольём воын 2011 воын серти ми шедөдім гырысьджык вермөмъяс. Вөлі 8 лөмторйөн этшаджык, 7 морт вылө чинис доймысьяслөн лыд, куліс сөмын өти морт (2011 воын вөлі 7), доймис сөмын өти челядь.

Куимысь машинаяс люкавлісны, дас куим машина путкыльтчис, квайт водитель талыліс туй вывті мунысьясөс, өти - велосипедөн мунысьясөс, кык лөмтор вөлі мукөд помкаяс вөсна. Код юра водителъяс вөсна вөлі 6 лөмтор.

Правилөс торкалысьяс вылө дасьтөма 9068 административной гижөд. 1301 гижөд өдіө ветлөмысь, кык - панйигөн правилөс торкөмысь, 201 - удостоверениетөг ветлөмысь, 266 - руль сайө код юрөн пуксьөмысь.

Ставсө штрапуйтөма 2 миллион 22 сюрс 400 шайт вылө (воддза воын серти 851 сюрс 300 шайтөн унджык). Перйөма 1 миллион 570 сюрс 807 шайт, либө 78 процент.

ГИБДД-са уджалысьяс кольём воын вөсөтисны 14 мыж, босөтисны 6 лыйсян оружие.

Бур уджлы подулөн лөө сійө, мый ГИБДД-са уджалысьяс тшөкыда кутісны аддзысьлыны предприятиясса водителъяскөд, школаын велөдчысьяскөд, унджык лэдзөны юөръяс, листовкаяс, өнджык кутісны гижны газетъясө, лэдзөны стөндъяс. Полицияса офицеръяс кывкүтөны торъя школаяс вөсна. Во чөжөн найө аддзысьлісны велөдчысьяскөд да велөдчысьяскөд 113-ысь. Нуөдлөны өтувъя рейдъяс «Парма гор» газетса уджалысьяскөд.

Районын 14 сюрс 664 машина да мукөд техника. Регистрируйтөма йөзлысь 1012, предприятиясысь, организациясысь



да учреждениясысь 89 машина да мукөд техника.

Дас квайтис видзөдлім предприятияяс, көні уна машина да мукөд техника, сетім квайт өлөдана гижөд, штрапуйтөм 4 веськөдлысьсө.

Примитім 1586 мортлысь экзамен. Сетім 775 мортлы водителъяс удостоверение. 304 мортлысь вежим сійөс.

Миян район ыджыд, став туйыс 3 сюрс 474 километр. Ми видзөдам на бөрся. Туйяс весавтөмысь, посъяс да туйяс дзоньтавтөмысь веськөдлысьясөс кыским кывкүтөмө. Сетім 74 өлөдөм, тшөктөм олөмө пөрттөмысь өтиөс штрапуйтөм. Сідзжө штрапуйтөм туйяс дөзбөриттөмысь 12 веськөдлысьсө.

Медся уна лөмтор овлө Куломдіннын Ленин уличавывса медводдза, Советской уличавывса 33, Шөр уличавывса 87 да Пожегодской уличавывса 19 керкаяс дорын, Кебаньельса Нагорная уличавывса медводдза, Югыдъягса Комсомольской уличавывса 64 керкаяс дорын, Сыктывкар-Мылдін туйыс 161, 175-176, Куломдін-Керчомъя-Гайны туйыс 1-2, 73-74, Куломдін-Немдін-Мыс туйыс 15 да 53 километръяс вылын. Сәті колө мунны өна видзчысьөмөн, мед эз ло неминуча. Водителъяслы да подөн ветлысьяслы оз ков торкавлны туй вывті ветлан правилөяс, колө пыдди пуктыны өта-мөдөс.

Снимок вылын: лөкалөм машина.

## ВЕРМАСНЫ МЫЖДЫНЫ СВИДЕТЕЛЬӨС АСЬСӨ

«Менө корисны районса судө свидетельлөн. Кывлі, мый ог кө лок, то вермасны мыждыны ачымөс. Збыль-ө тайб? Кора вочакысьө йөзөдны «Парма гор» газетын, мед та йылысь кутасны төдны и районса олысьяс.

Пыдди пуктөмөн Куломдіннысь А.ЛИПИНА».

Медводз пасъям: свидетельлөн эмөсь правояс. Сійө вермас суд вылын сёрнитны ас кывийөн (коми морт кө - комиён), сылы дон босөттөг вермас отавны вудждчысь, сійө вермас локны адвокаткөд, нинөм не висытавлны лөкөсө кызди ас йылысь, сідзи и верөс да матысса рөдвуж йылысь. Юасыны суд вылын найөс, кодъяслы абу на 14 арөс, либө судлөн видзөдлас серти 14-16 арөссянь, вермасны сөмын велөдысь дырйи.

Сак жө свидетель кывкүтө уголовной делө видлалігөн. Тайөс пасйөма Российской Федерацияса уголовно-процессуальной кодекслөн 56 статьяын. Сы серти свидетельлы колө быть висытавлны став збыльсө; өлөдісны кө, то оз позь паськөдны төдмалөмторъяс; колө ас кадө локны дознаватель да следователь дорө, судө.

Свидетельсө корөны повесткаөн. Сэтчө пасйөны

нимсө, вичсө, овсө, код дорө корөны да адрессө, лунсө да кадсө, кутшөм кывкүтөм, оз кө лок доръян помка вөсна. Повесткасө сетөны свидетельлы кияс да корөны кырымасыны. Морт кө нёрпалө, артмис кө кутшөмкө лөмтор, быть кө колө мунны командировкаө, то та йылысь сылы колө юөртны судө да корны, мед вежисны кадсө.

Нинөмөн кө оз подулав да оз көсйы локны судө, то сійөс ваясны суд пристаवъяс. Свидетель кө не кымынысь оз лок суд вылө, то Российской Федерацияса уголовно-процессуальной кодекслөн 117 да 118 статьяяс серти суд вермас вөчны кывкөртөд, код серти сылы ковмас мынтыны 2500 шайтөдз.

Тайөс босөтйө төдвылө да эн пыксьөй нинөмысь, мый тиянлысь корөны, кызди свидетельлысь. Судлы воча мунөмөн да збыльсө висыталөмөн, ті вөчаннөд сөмын бур, пөртаннөд олөмө мог, кодөс колө вөчны закон серти.

Районса судлөн пресс-служба.

## КИАС ПУРТӨН

Водзті Куломдінса Советской улича бокин сулаліс дзөляник пулавка. Таво сы пыдди лөптисны кирпичысь ыджыд да мича лавка, коді вөссис выль во водзвылын. Пытшкөсыс кыпид, сөстөм, югыд да шонөд. «Саша» мусмис Куломдінса олысьяслы да туй йөзлы. Син улас усис сійө и лөк вөчысьяслы. Көть дзик миртуй бокин да вермисны быд здукө локны ньобасысьяс, январь 16 лунө вузасысь вылө пуртөн, мед сетас сьом, уськөдчыліс өти омөль морт.

- Вөлі 8 час гөгөр рыт, - висыталіс вузасысь, - лавкаын некод эз вөв. Виччысьтөг пырис тупкөм чужөма кузь тушаа айлов, пуртөн повзөдлөмөн кутіс корны сьом. Медым кызкө мынтөдчыны, ковмис сетны сюрс шайт, но тайөн сьөлөмыс эз бурмы. Шуд вылө кыліс машина сувтөмлөн шы. Айлов уськөдчис петны да паныдасис лавкаө пырысь нывбабакөд. Тайө вөлі полицияын уджалысь Л.В.Игнатова.

Лөмтор йылысь кывкөртөд вөчис следователь С.И.Деринг.

- Полицияса уджалысь Л.В.Игнатова юөртис мыж вөчөм йылысь дежуритысьяслы да кутшөм мортлысь мьгөрыс, - висыталіс Светлана Ивановна. - Сы серти уголовной розыскса уджалысьяс өдіө и аддзисны мортсө да петкөдлісны вузасысьлы, коді төдіс сы вылө уськөдчылысьсө. Мыж вөчысьяс Куломдінса, сылы 20 арөс, пукавлөма нин гусьсьөмысь дзескыдінны. Өні сійөс вермасны пуксьөдны квайтсынь дас воөдз.

Лист боксө дасьтис Николай ЛЮТОВЕВ.